

Communicaziun da la corporaziun evangelica da Zernez

Demischiun da ravarenda, Patrick Brand

Nos ravarenda, Patrick Brand, ha demischiunà sia piazza **per la fin da lügl 2019**. El es fich grat per tuot ils inscunters ed experienzas ch'el ha pudü far in nossa raspada ed el es plain motivaziun per s'ingaschar in nossa cumünanza amo fin a la fin da lügl.

Reorganisaziun da pravenda e raspada

Daspö l'utuon passà es üna cumischiun da noss consistori insembel cun ravarenda Patrick Brand landervia da preparar üna reorganisaziun da nossa pravenda. Quella fa eir impis-samaints arreguard las structuradas da nossa raspada e quant inavant cha quella es preparada per nos temp e per ün avegnir, i'l qual tuot quai chi fin qua d'eira plütost static survain üna dimensiun dinamica. Per far quai ha il consistori tut in agüd eir il «servezzan da svilup per raspadas» da la Baselia chantunala grischuna. Al cumanzamaint da favrer s'inscuntran il consistori ed il ravarenda da nossa raspada per üna dieta a Klosters chi vain manada dals respunsabels da la baselia chantunala. Eir davo sia demischiun collavura nos ravarenda, Patrick Brand, strettamaing cul consistori e cun grond ingaschi per güdar a realisar quista restructuraziun chi sta eir ad el fich a cour.